

晉溪姚氏宗譜卷之二

祖訓

一祠堂爲本源重地有祠堂然後可以會族饗祭元且春分夏至秋分冬至各如儀祭畢叙次坐立申明家法訓切曉諭使尊卑長幼皆知敦本抑末不尚浮華不入匪類斯謂祖宗肖子

一宗族有不肖子孫不顧廉恥敗傷風化蕩廢祖業前譜立不肖關狠訟獄教唆陰害諸條各舉一二人以示警戒但有犯此者不可

視爲他人听其汚辱家法爲宗長者常同彼之家長正治之果帖惡不悛譜削其名叱其出族以警後人

一無子者須擇兄弟之子照穆相當者爲後兄弟無子由從堂兄弟漸及遠房不許恃強攪越貪圖無後者財產涉訟爭擾致令絕祀

一異姓不得亂宗異繼本難入譜但自康熙戊子修譜以後此例不